

乾隆杭州府志

杭州府志卷三十

寺觀 三 錢塘下

錢塘縣 郭外下

玉虛觀 在龍山舊爲三官院錢武肅王建祥符四年賜

今額紹定六年建三清閣淳祐十一年御書玉虛之觀以

賜造景福萬年殿久圯

西湖志

四聖延祥觀 在孤山宋紹興十四年建四聖者道經云

紫微北極大帝之四將天蓬天猷翊聖佑聖也向有觀在

汴京高宗以康邸出使見四金甲人執弓劍以衛遂出禁

中所造沉香像就西湖擇地建殿

乾道志

元初爲楊璉真伽

所據改爲寺移觀額于武林門外

西湖志

周紫芝延祥觀後山亭詩附山結真祠朱門照湖水湖流入中池秀色歸淨几風簾邃旌旌神衛森劍履清芬宿華殿瑞靄蒙玉宸髮髯還神京想像輪奐美祈年開新宮祝釐奉天子良辰復難會幾暮得斯喜况乃清樾中飛樓見千里雲車倘可乘吾事茲已矣便當赴遠游未可回屐齒馬臻四聖觀寫望詩西林橋畔畫船開一片簫韶水面來多少緣楊遮不住天風吹過小蓬萊

顯應觀

在湧金門外紹興十八年詔有司建于城南包

家山奉崔府君二十四年分靈芝寺之半移建今處觀額

本宣和所賜

咸淳志

咸淳間改額昭應

西湖遊覽志

樓鑰中興顯應觀記真君姓崔廟在磁州旁爲道觀河朔人奉之五百餘年矣靖康中高宗由康邸再使金磁去金營不百里旣去謁祠下神馬擁輿盼蜚炳然州人知神之意勸帝還轅孝宗誕育于嘉興先形絳服擁羊之夢生有

神光燭天之祥此皆其最著者也中興駐蹕錢塘初置觀于城南尋徙于西湖之濱分靈芝僧寺故基爲之祠宇宏麗像設森嚴長廊靚深采繪工緻鐵騎戎卒左右旋戈鉦旗蓋勢若飛動敵西齋堂以挹湖山之秀爲崇祐觀以處羽士之流稱其爲大神之居高宗脫屣萬乘書同憲聖臨幸以丹堊故暗賜金藻飾一新又三十年矣皇帝皇后聿追祖考之意載命興葺復賜緡錢二萬俾都監右街鑒主管教門公事明素大師陳永年買田以增齋供之費所以妥靈而錫福斯民者甚至晁誠不可以無紀也竊考神之所自不知者以爲北魏之伯淵其知者以爲後漢之子玉雖皆名公而實非也續繪要等書亦不詳諦或誤後人唐武德元年置磁州貞觀元年州廢而以滏陽屬相至永泰初始復舊仁宗實錄景祐二年封府君爲護國顯應公且言府君貞觀中爲相州滏陽令再徙蒲州刺史史失其名在滏陽有愛惠民爲立祠後因葬其地咸平二年始賜府君之廟而京師北郊及郡縣奉之如獄祠至是因民所信向而封崇之故詔曰惠在滏邑恩施蒲人又曰案求世系雖史逸其傳尸祝王官而民賴其德使果爲子玉與伯淵安得謂史逸其傳歟元符二年卽舊號封王大觀賜廟額政和賜冠冕七年加封護國顯應昭惠王宣和三年郡

守韓景朝辭承上命葺治祠曰敷靈觀曰顯應且按舊碑  
爲之記其說略與實錄同又言唐太宗夢得之俾詔入觀  
刺蒲州河北採訪使因命刑曹二七編錄神之靈蹟五十  
餘條聞于世淳熙十三年奉光堯聖旨改封真君然至今  
以府君爲號者尤見其本于爲令也季夏六月相傳以爲  
府君生朝都人無不歸嚮駢擁竟夕尤爲一時之盛孟冬  
十月又謂爲府君朝元之節或云以是日上升禁庭皆設  
齋醮北人之寓居者是日亦必至焉錢惟善顯應觀詩  
樓觀窺江郭新晴撲紫嵐深林疑有雨積溜響空潭  
素髮何由變元機庶可參詣朝重與子來此漱餘酣

冲虚觀 在履泰山麓紹定中建名寧壽菴淳祐六年移

請今額咸淳志

靈應觀 在小麥嶺寧宗朝張知宮創御書冲隱菴淳祐

中道士范善遷重建賜名今額今菴在觀右而觀改仁壽

院矣武林舊事

旌德觀 在蘇堤映波橋後觀本定香寺

西湖遊覽志

寶慶二

年臨安守袁韶創先賢祠徙玉晨道宮于東北隅以供灑

掃請于朝賜額曰旌德有亭曰虛舟曰雲錦皆枕湖

咸淳志

今移建城中保安坊

西湖志

真聖觀 在六和塔側寶慶二年道士江師隆叔有真武

像淳祐間摹本上進

咸淳志

夕照菴 在石人嶺下晉咸和間靈隱慧理禪師退隱于

此周顯德間兵廢宋祥符間尼僧道成復興

西湖百詠序

明萬

歷中僧良峯購楊氏址拓爲菴復古額曰夕照俗呼楊菴

西溪苑

隱志

按雷峯之陰有夕照菴係明末建

石佛菴

在靈隱山直指堂後

西湖志

梁簡文帝所造迦葉

維衛石佛二尊明萬歷間建菴

武林梵志

福清菴

在安樂山前唐中和間性空和尚開山種竹萬

竿卓菴叢中宋隱士邁子山過院有花覆石橋閒戲馬葉

齊山寺亂啼鶯之句萬歷間雲間僧桂峯復建後廢

西溪志

志

毛奇齡修復福清禪院碑記向予觀梅西溪時已從徐氏莊直抵安樂將欲過福清而不能也或曰福清在安樂山之陰右接永興其地環九龍而負層崖當西溪之勝故遊西溪者必過福清而其後從秦亭還仍不一過今年秋周子子鈺攜西溪僧來謁予爲記曰予方遊福清而福清院主介香城院主以記文請因詢其所遇及所知見然後知

福清之從來遠也按院創自唐貞觀建元以竹院名而僖  
宗中和間有禪師性空者居之改名傳教植竹萬餘竿遂  
爲勝場歷傳至元天歷復監殿堂于萬竹中間以雜梅一  
時遊者多爲詩鐫其堂逮明萬歷之末則尚書陸公太史  
馮公以及了凡袁先生詡公嚴先生德園虞先生輩共爲  
護持虔請禪師桂峯駐錫其中重開淨居恢復舊業而以  
師從天台來福庭清涼與之相埒遂易今名今律僧自慧  
偕其徒濟生竭蹶句募仍還故觀凡殿堂僚舍跌蓮承藻  
魚羸鐘杵中孟幢幕燦然一新而梅花而竹仍獨擅西溪  
之勝焉夫佳山佳水原足係人之流連况儼然初地歷唐  
宋元明累劫不燬而又加之以十里之梅萬竿之竹當西  
溪之地之勝向非慧公師弟力爲修復其爲天下所懷思  
而不得見者蓋不知凡幾也然則師之功可少哉吾他日  
乘興尚當入西溪重抵安樂以窮其所謂福清之勝者而  
記之釋大善福清竹院詩藤蘿榮合竹叢生淡寫濃描  
似畫成滿院清陰篩月色千竿翠籜入溪聲庭中桂子雲  
間落池上蘋花水底明爲問廢  
興何歲月我年二十始知名

韜光菴

在靈隱寺西吳越王建舊額廣嚴唐有詩僧結



菴于院之西自號韜光咸淳志白樂天守郡題其堂曰法安

西湖遊覽志宋大中祥符間改今額乾道九年充咸安郡王功

德院久廢明洪武間重建燬正統修復又燬天順間僧宗

融重建成化舊志

國朝康熙四十五年重修乾隆十六年

聖駕巡幸

御題法安之堂曰雲岑日觀

御製韜光詩勒石寺中西湖志纂二十二年至四十九年

御製韜光菴詩恭紀卷首南巡盛典

白居易長慶四年正旦請韜光齋詩白屋炊香飯葷羶不入家  
池泉澄葛粉洗手摘藤花青芥除黃菓紅薑帶紫芽

命師相伴食齋罷一甌茶 釋韜光因自太守見招有答  
詩山僧野性好林泉每向巖阿倚石眠不解栽松陪玉勒  
惟能引水種金蓮白雲乍可來青嶂明月難教下碧天城  
市不堪飛錫到恐妨鶯囀翠樓前 黃順之韜光詩瘦藤  
拄到古韜光分得山房半榻涼白髮老僧從定起斷雲漠  
漠護殘香 楊蟠韜光菴詩寂寞菴前草春深鹿自耕老  
僧垂白髮山下不知名 郭祥正韜光菴詩逢人寂無語  
結草自棲禪但見岩花笑麗眉不記年 文震孟冬遊韜  
光詩斜陽竹樹影蕭蕭獨有幽蛩破寂寥萬境不波心似  
水滿庭紅蕖映山椒 潘耒宿韜光山房詩招提宅山顛  
而有清泉瀉濤聲亂陰晴瀑勢無冬夏殿門俯層巒萬象  
森在下湖帆曳林空海日升巖罅我來歲已晚楓菊猶未  
謝白石淨可餐流雲駛堪駕浮生如客塵幾人得休暇遇  
坎且當止茅堂倘相借 湯右曾韜光詩澗橋徙倚老松  
根蕭蕭巖扉晝不喧坐覺清風生石壁行窮修竹見山門  
依依烟郭江光繞點點林鴉海氣昏却怪白沙春漲濶遊  
人指點  
說潮痕

永樂菴

在西溪之西南森羅塢創自梁貞明間宋建炎

中法師性宗復興之

西溪苑  
隱志

紹興中有梵僧阿利真負經

西來隱此得道元末兵燬明萬歷間洪中丞清遠延雲棲

悅心禪師重建崇正改元復舊額

西溪百  
詠序

石佛接待菴 在水樂洞後久圯廣順間傳有古佛出現

隱于石時人于石上鑄成相貌嗣創小菴咸淳間闢地增

建

咸淳  
志

大通菴 在龍山吳越王建舊名顯明治平二年改今額

西湖

志

兜率菴 在四顧坪右左壁有小石佛三尊乃傳大士宴

坐處僧佛石結庵于此壁間詩有越山吳地半江分之句

左又一洞內有石儼然觀音像因名山頂有圓池相傳有

彌勒殿菴卽理安寺下院

武林  
梵志

妙智菴 在棲霞嶺開寶間建舊名報恩觀音院治平改

額

咸淳  
志

卽牛皐香火院

西湖遊  
覽志

宋伯仁妙智菴詩結屋古山顛源流未有年便非真隱者  
且喜得安然石洞雲同卧茶鑪客對煎我來聊小憇詩滿  
夕陽天

日觀菴 在下天竺僧遵式建范仲淹爲記至今相傳有

文正公臥榻

西湖  
志

王隨寄遵式詩語傳要妙三乘法香供精嚴  
七祖堂日觀菴中絕塵念彌天高雨霽錢塘

白雲菴 在靈隱方丈後山有比丘曰清覺號本然元祐

七年至杭州靈隱寺靈隱圖明童禪師以寺後白雲山菴

居之覺乃自立宗以所居菴名爲號曰白雲宗

釋氏稽古畧

釋元照白雲菴詩道人倦逢迎結菴就岩穴靜愛山頭雲  
空濛如積雪隨風亦卷舒觸戶更明滅却憶古人詩祇可

自怡悅

西菴 在靈隱宋僧契嵩舊棲嵩字仲靈著有鐔津集

湖山

覽便

黃潛遊西山同項可立宿西菴詩薄遊厭人境振策窮幽  
獨理公所開鑿遺跡在巖麓秋杪霜葉丹石面寒泉淥仰  
窺條上猿攀蘿去相逐物情一何適人事有羈束却過倪  
峯迴遙望松林曲前山夜來雨濕雲漲崖谷縹渺辨朱甍  
禪房帶修竹故人丹邱彥抱被能同宿名篇聊一咏異書  
欣共讀跼蹉未聞道尾勉尚干祿夙有邱壑期吾居幾時

蘆菴 在曲水菴右卽正等院紹興中侍衛馬軍司駐屯

于此建屋以奉諸軍香火

咸淳志

明萬歷初正等寺僧如覺

因龍歸塢遷此菴董宗伯題曰交蘆蓋取經根塵識三都

無實性同于交蘆之義亦以菴構蘆中立名蘆菴崇正改

元其嗣性圓拓菴成院大學士錢士升題額曰復古正等

院

西溪菴隱志

凝神菴 在赤山蒲衣道士張達道所居高宗嘗賜白羽

扇至元猶存

西湖遊覽志

薩都刺同伯雨遊凝神菴因觀宋高宗賜蒲衣道士白羽  
扇詩晴日赤山湖水明湖中山影一眉青蒲衣道士無人

識羽扇年多落鳳翎

普寧菴

在龍山鴻雁池南宋隆興元年道慧禪師開山

宋末燬元僧了清重建洪武間歸併萬壽寺萬歷間重建

武林

菴志

慧光菴

在靈芝寺側聚景園前宋乾道間張循王女孫

真寂妙明惠懿大師自幼奉敕爲尼守慈福宮香火遂建

菴以居因佛指放光賜慧光爲額至今住持皆張氏女

咸淳

志

三一菴

在山川壇右

西湖志

白玉蟾修鍊于此

萬歷錢塘縣志

菴

中有得月樓

西湖遊覽志

貫雲石三一菴詩茅棟蕭蕭水石閒放懷終日對林巒夢  
回不覺月臨砌吟罷始知身倚闌藥碓夜春雲母急石甌

秋遊井花寒羣魚亦得道  
逢樂何用機心把釣竿

興福菴 在楓木塢淳熙二年法華和尚建淳祐六年移

請今額咸淳志

東岡塔 在楓木塢隋法師真觀建西湖游覽志

秋雪菴 在西溪東蒹葭深處原名資壽院初係大聖菴

淳熙七年移請今額咸淳志 宋潼川軍節度所立崇禎甲戌

靈壽寺僧智一智洪住錫焉菴水周四隅蒹葭彌望花時

如雪陳繼儒題曰秋雪戊寅拓菴爲院復古額曰資壽人

仍以秋雪名之西溪菴隱志

釋智一秋雪菴自題詩秋窗底事雪瀾漫風颭蘆花起釣  
難點點定僧衣似濕飄飄漁父笠疑寒遠籠竹浪煙仍翠



澹抹楓林葉尚丹忽聽小舸歌款乃西岩彷彿認晴巒

通元菴 在湧金門外景隆觀舊爲通元菴嘉定十四年

旨許建觀以舊修內司憲營地俾羽士陳永年規造寧宗

御書名扁賜有璿璣殿理宗御書有景命萬年之閣

咸淳志

元末築城移入城內

西湖志下同

復菴 在上天竺嘉泰二年廣慧法師建

陸游上天竺復菴記嘉泰二年上天竺廣慧法師策退居于寺門橋南名之曰復菴背負白雲峯前直獅子乳竇二峯帶以清溪環以秀竹嘉木凡爲屋七十餘間寢有室講有堂中則爲殿以奉西方像室殿前開大池兩序列館以處四方學者炊爨瀉浴皆有其所牀敷巾鉢雲布鱗次又以爲傳受講習梵唄之勤宜有遊息之地以休其暇日則又作園亭流泉以與學者共之既成命其弟子了懷走山陰鏡湖上從予求文以記歲月開禧元年三月三日記

天龍菴 在掃箒塢嘉定間禪師慧開結菴其處叅政樓

鑰書天龍二大字

咸淳志

水陸菴 在大麥嶺楊寺廨院舊名慶安

武林舊事

慶安院在

行春橋南元係水陸菴嘉定十五年充麥嶺旌德顯慶寺

廨院

咸淳志

上善菴 在包山元係白衣五聖廟淳祐七年易爲菴

萬歷

舊志

福泉菴 在包山冷水峪

西湖志

咸淳間建有龍王泉井遇

旱不竭

咸淳志

歸雲菴 在水樂洞旁

西湖志

寧宗時水菴清禪師坐禪石

窟中閭南峯鍾鳴遂大悟舊爲歸雲菴後改永興寺

武林舊事

明萬歷間僧海龍築靜室其址亦稱護雲菴

武林舊志下並同

鉢池菴 在風篁嶺有洗鉢泉德周果師棲隱處

頭陀菴 在慈雲嶺下傍有華津洞本趙冀王園

正宗菴 在山川壇左元至大間僧方大建

智勝菴 在秦亭山麓明宏治間建

西湖遊覽志下同

心菴 在永清塢正德間寶珠禪師建

蓮花菴 在四方廟北萬歷中陳氏建

國朝順治庚寅重修

西溪苑隱志下並同

永慶菴 在直塢萬歷間觀音橋南小寺僧建

國朝順治九年雲棲別室僧成懺融然復興之

慈覺菴 在秋雪菴東萬歷中僧性禪構精舍號省菴崇

正己卯僧智養母其中雲棲古德法師為改菴名慈覺蓋  
其孝行可方古慈覺法師云

錢士升贈慈覺菴笠雲詩昔日參承曲水邊拈來  
禪淨理雙圓而今說法依然在翠竹蒼葭帶晚烟

報先菴 在萬松嶺今書院之左萬歷己亥僧普明建樊

良樞有記并書卓錫青松額

武林  
梵志

定光菴 在法相寺西菴久廢萬歷三十五年修復

萬歷  
錢塘

縣志

普度親菴 在南屏西明少司農杞瞻葛公住宅也為母

報恩捨宅爲菴萬歷四十八年建卽古永陰寺舊址葛公

自爲記

國朝康熙間燬僅存後殿

錢塘縣志下同

報飭菴

在桃源嶺下方井東陸環溪封公墓側其嗣之

選之遇之遠倚廬處也梅竹相映溪山環繞董文敏賞其

幽勝爲題額焉

玉池菴

在塔塢內崇正己卯僧洪遠所葺

西溪梵隱志

指華菴

在龍歸塢崇正二年郡城祖山寺僧智授建

西湖

志

曲水菴

在正等院左卽今清化寺舊址明崇正初雲棲

古德法師建四圍並闕水映竹長河縈遶滙爲放生池幾塘

縣志

下同

王庭贈曲水古德法師詩木葉寒山對息機荒深絕跡鳥  
行稀禪關自啟水環鑲香雨不分花靜飛手種青松千臘  
近心懸白法一燈微閒身志未忘文字莫道浮名有是非

夕照菴 在雷峯塔之陰五代時顯嚴院故址明末創有

夕照菴因宋林逋中峯詩夕照前村見之句故名乃西湖

十景之一也歲久傾圮

國朝康熙七年僧如嵩重建仍名夕照

留錫菴 在雷峯塔之陰向有白蓮寺久廢西湖志

國朝順治己亥僧虛舟即其址建菴曰留錫錢塘縣志

福城菴 在雷峯側傳葛洪煉丹于此故名小蓬萊後爲

宋內侍甘昇園

國朝康熙戊申僧燈演建菴于此名曰福城

湖山便覽

蓮池菴 在白沙堤舊爲嘉澤龍王廟

國朝雍正五年改建菴仍祀嘉澤龍王以復水仙故蹟

西湖志

慈嚴院 在定山風水洞太康間葛稚川捨宅爲寺上元

間賜額恩德天成二年吳越王重建大中祥符二年改今

額

咸淳志

白蓮院 在風篁嶺下相傳晉肇法師講經于此

武林肇舊事

法師誦經蓮生陸地鴛鴦亦能誦經

北碕文集

上乘院 在西溪之東梅花塢中貞觀十九年建舊名龍

居治平間重建改今額有寂觀堂咸淳志崇正初郡城蓮居

新伊法師退隱此菴有書冊藏經禪講學人欲閱藏請益

者依之故有十餘靜室附焉西溪苑隱志

釋大善上乘院詩萬斛松筠覆草廬千函文字寄溪居龍  
王藏惜宮中寶野衲披宜架上書瓦鼎生烟指紫椀磁瓶  
貯水插紅葉如今禪講交參日共集花巖作蠹魚

定業院 在葛嶺西唐元和元年刺史裴常棣建有環峯

堂襲夢軒今不存咸淳志

清溪道院 在安樂山下唐寶歷間羽士費元真開山宋

徐提舉隱此西湖苑隱志



無垢院 在風篁嶺光化二年吳越王建舊名無著咸淳志

無著禪師道場舊在石人嶺慶元中韓平原以寺爲生墳

遂移寺于此嘉定十一年重修有仙人臺清音軒後爲演

福寺遂廢

湖山勝槩

寶嚴院 在葛嶺上後唐天成二年錢氏建舊名垂雲治

平二年改今額元豐中僧清順作垂雲亭又有借竹軒秦

少游曾宿此軒夢天女以維摩求讚淳祐三年理宗賜僧

智光御書晦菴二字續建佛閣賜御書無量福海四字咸淳

志下並同

蘇軾僧清順新作垂雲亭詩江山雖有餘亭榭著難穩登臨不得要萬象各偃蹇惜哉垂雲亭此地得何晚天工手

向背詩眼巧增損路窮朱闌出山破石壁很海門浸坤軸  
湖尾抱雲嶽蔥蔥城郭麗淡淡烟村遠紛紛鳥雀去一一  
魚樵返雄觀快新獲微景收昔暹道人真古人嘯咏慕嵇  
阮空齋臥蒲褐芒屨每自捆天憐詩人窮乞與供詩本我  
詩久不作荒澁旋鋤墾從君覓佳句咀嚼廢朝飯陳襄  
寶嚴院垂雲亭詩小亭巉絕出雲間萬象升沉不得閒莫  
怪詩翁頭白早時來向此寫湖山沈遘垂雲亭詩老師  
有意出人間便學垂雲也未聞帶雨有時歸北嶺隨風依  
舊過南山

寶藏院 在方家峪長興元年吳越王建有武肅王祠及  
碑

北資聖院 在靈隱寺西天福二年吳越王建大中祥符  
元年賜額

廣嚴院 在方家峪天福二年建舊名妙嚴治平二年賜

今額

寶惠院 在龍山天福二年吳越王建舊名普濟太平興

國中改今額

保寧院 在靈隱寺西天福三年吳越王建舊額保安無

量壽院治平二年改今額

滿覺院 在滿覺隴天福四年建舊額圓興治平二年改

今額

咸淳志

萬歷戊戌僧海龍重建

武林志

多福院 在楓木塢天福五年吳越王建舊名光福治平

二年改今額

咸淳志

崇真院 在西溪之南天福六年吳越王建舊名永福治

平二年改今額咸淳志 柵橋東有小崇真菴今二院俱興崇

正間龍門寺僧信起心一重建于溪之南溪東昭慶寺僧

我菴重建西溪百詠序

萬安院 在青芝塢天福七年錢氏建舊名清化永安治

平二年改今額咸淳志

淨明院 在柵外一圖水燈橋下錢塘縣志 自郊壇齋宮入天

福七年建舊額廣濟祥符元年改今額咸淳志 宋末燬元素

定四年建明萬歷間重建錢塘縣志

黃緒龍山淨明寺記畧寺建于晉天福七年以處佛寺之  
為律學者南渡以其地為祀天園丘而寓齋宮于其室久  
之僧相率自言起處非便請撤寺屋即其西南改築而居  
焉延祐二年位山律師國瑞訴于行省始悉得其故地而

或者不戒于火師慨然以興作爲任閱十寒暑而寺以復  
完泰定四年某月某甲子落成之日也王十朋四月四  
日記赤帝于淨明寺祀畢送黃子升通判還鄉詩祀罷燈  
花喜山遊曉色新江頭送歸客我亦是行人樓輪淨明  
方丈詩雲深宿雨未收晴短策還來叩曉扃山溜擁溪侵  
石磴天風吹霧暗空庭茵鋪野草濕新綠玉立脩篁洗舊  
青老我時時假僧榻夢魂真向醉中醒鄭清之淨明院  
詩齋閣虛閒只淨明俗氛暫洗覺身輕半山雲脚炊烟濕  
一枕松聲澗水鳴對語老禪真法器譯經新諦  
出僧檠歸翻貝葉蓮花頌猶帶招提月影清

壽星院 在葛嶺上天福八年建有寒碧軒此君軒觀臺

孟泉東坡皆有詩寺有坡公祠成淳志有靈泉明遠堂西湖志

御製壽星院詩恭紀卷首

南巡盛典

蘇軾次韻周長官壽星院同饒魯少卿詩琉璃百頃水仙  
家風靜平湖響釣車寂歷疎松欹晚照伶俚寒蝶抱秋花  
因眠不覺依蒲褐歸路相將踏桂華更着綸巾披雀氎  
年應作畫圖看晁以道壽星院詩石磴插青雲禪宮人

渺冥歸雲侵客座流水亂松聲天近月逾白竹多山更青  
從來邱壑志不獨付孫登鄒浩壽星院觀竹詩祇園寂  
寞聳高村自有鸞鳳接翅來回首壺觴散桃李日斜風動  
使人哀周紫芝次韻子東湖上雜書壽星院詩上方重  
閣到雲天一落天星今幾年不見老坡寒碧句滿林風玉  
自蒼然胡助壽星院詩窓屏寒碧靜娟娟野衲何知此  
勝緣獨立移時清思極直疑修竹是坡仙蘇軾寒碧軒  
詩清風肅肅搖窓扉窓前修竹一尺圍紛紛蒼雪落夏簾  
冉冉綠霧沾人衣日高山蟬抱葉響人靜翠羽穿林飛  
人絕粒對寒碧爲問崔骨何緣肥周紫芝次韻子韶遊  
壽星寺寒碧軒詩好竹連山萬壑青落星天近接飛甍  
流杯共把人須勝風玉相看眼倍明故老舊遊雲已散  
孫郎長嘯鳳重鳴閒來却倚朱闌看蒼雪依然入句清  
蘇軾此君軒詩臥聽謾謾碎龍鱗俯看蒼苔立玉身一舸  
鷗夷江海去尚餘君子六千人蘇軾觀臺詩三界無所住  
一臺聊自寧塵勞付白骨寂照起黃庭殘夢風中翫孤燈  
雪後青須防童子戲投瓦犯清冷車垓明遠堂詩十年不  
向此凭闌景象依然一望間龍蜃吐雲天入水樓臺倒影  
日銜山僧于僻寺難爲隱人在扁舟未是閒孤鶴似尋  
和靖宅盤空飛下復飛還

福勝院 在安樂山麓晉天福間吳越王建宋僧因本澄

重興遠寺栽梅邁子山嘗題其院有野澗飄來蘭氣合家

山夢去雪標清之句故有福勝梅花之目元末兵燬明萬

歷中雲棲僧大善構址結茅三楹顏曰豁巢崇正間改古

福勝院

西溪荒  
隱志

普向院 在青芝塢開運元年錢氏建紹興中殿帥楊存

中請移建北山青芝塢專充殿司諸軍瘞所令僧主其香

火

咸淳志  
下並同

精進院 在溜水橋東開運元年建舊名精修治平二年

改今額充北蜡齋宮

多寶院 在寶積山開運元年錢氏建舊名寶積治平二年改今額舊有緣陰堂

法雲院 在龍山開運元年吳越王建舊名資崇大中祥符改今額

廣福院 在定山北開運二年吳越王建舊名寶福宋熙寧元年改壽聖寶福紹興三十年改今額舊有淵堂噴月泉

崇德院 在龍山開運二年吳越王建舊名尊勝治平二年改今額

崇教院 在赤山開運二年吳越王建舊名薦福大中祥



符六年改今額

靈泉廣福院 在六和塔南開運三年吳越王建舊名靈泉治平二年改壽星紹興二十二年改今額有靈泉一泓覆之以亭

西關淨化院 在烟霞嶺下開運間吳越王建名曰西關淨化禪院後廢額徙于南山石塢孝宗以其地賜李昉因重建佛宇發土中得錢氏時寺記龕置石間咸淳三年太傅平章魏國公修復水樂勝槩乃爲葺治寺宇遷其院額之舊云

不空院 在履泰山麓廣順元年吳越王建舊名傳經治

平二年改今額

水燈廣教院 在龍山廣順元年吳越王建舊名多寶大

中祥符元年改今額

法喜院 在清波門外廣順元年建爲護國羅漢院宋大

中祥符元年賜今額後地入聚景園移額于四板橋普賢

院

顯明院 在青芝塢廣順二年吳越孟謙建舊名興福禪

院大中祥符元年改今額舊有鑑空閣綠靜堂今廢

蘇軾和黃秀才鑑空閣詩明月本自明無心孰爲境掛空  
如水鑑寫此山河影我觀大瀛海巨浸與天並九州居其  
間無異蛇盤鏡空水兩無質相照但耿耿妄云桂兔臺俗  
說皆可屏我遊鑑空閣缺月正淒冷黃子寒無衣對月句

逾警借君方諸淚一沐管城  
穎誰言小叢林清絕冠五嶺

淨梵院 在赤山廣運中吳越王建舊名瑞峯大中祥符  
元年改今額

西蓮瑞相院 在方家峪顯德元年吳越王建舊名西蓮

以本院嘗產青蓮華又有觀音現瑞至今尚存身不惹塵

錢氏造寶幢二于殿前

咸淳志

黃貴妃香火院

西湖游覽志

妙覺院 在龍山顯德元年吳越王建舊名妙能治平二

年改今額

咸淳志下並同

保福院 在長耳巷吳越王建舊名保慶治平元年改今

額

咸淳志

淨相院 在雷峯塔後吳越王建舊名瑞相太平興國間

改今額紹興初重建

倪思重建淨相院佛殿記畧由雷峯之陰並湖而行餘里許有院曰淨相背負山麓面瞰平湖松竹森蔚景趣幽雅庭有杜鵑花數本特盛東坡先生所爲賦詩也始予在學館遇勝日游焉建炎燬于兵主僧師雅募衆助而鼎新之院始于周顯德間宣和甲乙相嗣三世而至師雅雅承嘉街僧錄彥觀維持其徒甲乙相嗣三世而至師雅雅承嘉人殿成于紹熙元年龔頤正書東坡杜鵑花詩貽主僧跋云蘇文忠公賦此詩逮今百餘年雖菩提寺去此不遠未知孰是然此花老幹蕭疎亦意當時物公在穎爲詩有醉翁行樂處草木亦堪敬故余于此亦云且書以貽淨相院主僧紹原

普安院 在龍山顯德四年吳越王建舊爲安吳塔院治

平二年改今額

崇報顯慶院 在靈石山顯德四年建舊額棲真熙寧元年改賜壽聖崇寧二年充功德院

超化院 在靈芝寺側顯德六年錢氏建

顯嚴院 在雷峯塔下吳越王建皇妃塔遂建院治平二

年賜顯嚴額宣和間兵燬乾道七年重建慶元元年塔與

顯嚴始合爲一五年重修咸淳志雷峯塔院也歲久院圯明

末于其址建夕照菴湖山便覽

趙抃謁顯嚴廣慈師詩乞得鄰州樂矣哉雷峯安  
靜此徘徊浙江莫謂音書隔一日潮音兩度來

雷峯塔 在南屏山郡人雷氏居焉錢氏妃于此建塔故  
又名黃妃塔又曰黃皮塔以其地嘗植黃皮葢語音之訛

耳咸淳志 塔建七級後人復以風水家言止存五級西湖遊覽志

御製詠雷峯塔詩恭紀卷首南巡盛典

奉聖院 在鴻雁池北開寶元年吳越王建舊名廣福大

中祥符改今額咸淳志 正統十四年僧廣仁重建歲久傾圮

萬歷丁酉僧圓松重建觀音殿一真堂武林梵志

興福院 開寶二年吳越王建舊有心淵堂清蓮堂凝碧

軒後爲聚景園移置于清波門城下咸淳志

寶林院 在赤山開寶六年錢鄧王建舊名總持治平二

年改今額咸淳志 院有可賦軒今移城南尊勝巷西湖志

范成大寶林寺可賦軒詩十里山行雜市聲道傍無處濯塵纓寶林寺裏逢修竹方有詩情約畧生

廣法院 在赤山開寶七年建慶歷中重修有清曠亭後  
廢淳熙四年開府鄭氏請以爲菴額嘉熙四年充功德院

咸淳志  
下並同

報恩院 在定業院側開寶七年錢氏建舊名報先在孤  
山治平二年改今額紹興二十一年以其地爲延祥觀徙  
此

保壽院 在五雲山開寶七年吳越王建舊名萬壽治平  
二年改今額紹定乙未重建

真覺院 在龍山開寶八年建舊名奉慶大中祥符元年  
改賜今額

報先明覺院 在佛慧寺北建隆二年吳越王建舊名報

先治平二年改今額有虛心軒咸淳志 諺云千年靈隱八百

報先蓋唐寺也歲久傾隤萬歷間萬鹿園募衆重建寺有

恒如禪師習天台教四十年不出山誦法華經六千餘部

西溪百詠序

慈聖院 在青芝塢乾祐元年錢氏建舊名慈雲治平二

年改賜今額咸淳志下並同

保福院 在長耳巷乾祐元年吳越王建舊名保慶治平

元年改今額

九曲法濟院 在錢塘門外乾德元年錢氏建舊名觀音



治平二年改賜今額燬于建炎創于紹興己未有明軒爽軒今不存

西林法惠院 在方家峪乾德元年吳越忠懿王建舊名

興慶大中祥符中改今額

咸淳志

舊名法慈院

成化舊志

慶歷間

禪師法言作西軒蘇子瞻見而愛之題曰雪齋

西湖游覽志

正覺院 在靈芝寺側乾德二年錢氏建舊額羅漢院太

平興國元年改賜今額

咸淳志下同

資國院 在金沙港乾德三年孫贊明捨宅建原名報國

治平三年改今名咸淳五年安撫潛說友重修贊明爲履

泰鄉土神錢氏封爲履泰將軍

真際院 在五雲山乾德四年吳越王建舊爲靜慮菴又

曰定慧菴大中祥符改今額

咸淳志

周顯德丙辰志逢禪師

結茅開山大將凌超翫華嚴道場乾德間吳越王召賜紫

衣賜額真際院明初燬正德十二年僧法堅重建寺內伽

藍乃華光藏神杭人牽牲祈財無虛日

武林志

寶勝院 在石函橋西乾德五年吳越王建舊名應天治

平二年改今額

咸淳志下同

廣教院 在淨慈寺東方家峪口太平興國二年錢鄧王

建舊額香刹治平二年改今額有小南屏山

菩提院 在錢塘門外後併入昭慶寺本錢惟演別墅捨

以爲寺

西湖游覽志

太平興國二年建名惠岩七年改賜今額

建炎間燬先是寺僧募良工孔仁謙作大悲像千手錯出

不能盡布夕夢沙門語曰何不分形于寶燄之上如其言

而像成迨乾道間僧彬再以命工亦難之有媼在旁道之

至淨池像忽現水面一晤而媼已失矣乃創閣妥焉寶慶

三年恭聖仁烈皇太后賜錢重建殿淳祐六年重建千佛

閣舊有堂二曰南漪迎薰軒五曰澄心涵碧璿瑜玉壺披

顥今皆不存

咸淳志

般若院 在龍山吳越王子秦王王建

咸淳志

久廢萬歷甲午

僧真誠定浮重建

武林梵志

定水院 在清波門外舊號湖光內有水鑑堂湖光堂檀

香千手眼大悲像今爲聚景園移額東青門外

咸淳志

壽聖院 在南山風篁嶺俗呼爲老龍井秦少游題名記

所謂夜二鼓至潮音堂卽其地也

西湖塵談

慶善禪院 在六和塔南舊號百丈山皇祐二年充功德

院改今額舊有迎雲亭百丈亭正觀亭養高堂今皆廢

咸淳志下

同

真如院 在赤山正觀元年建舊名延長治平二年改今

額

龍歸院 在龍歸塢宋紹興間帝幸洞霄宮過此因改清

化寺為龍歸院僧佛印禪誦之堂也西溪志明萬歷中廣陵

僧真一無用自補陀來購邱氏園基結菴厨有古井味甘

列名菩薩泉初名西方菴改稱古龍歸院西溪苑隱志

僧大善龍歸院詩序龍歸院萬歷中廣陵無用禪師重建菴奉迦葉維衛及旃檀像皆摹古法望之如生師有草亭歌有梅筍譜每俟梅花謝後獨往觀之隣人疑問師笑曰吾惟愛其勁骨其徒忍仙能繼師志

三藏塔院 在臘脂嶺下紹興初三藏法師法道在城建

千佛閣寺為子院咸淳志

崇因報德院 在靈石山高宗常臨幸院與積慶山後永

清院皆薛開府功德此院已廢獨靈石塔存武林舊事

長慶院 在埽箒塢崇奉祠山大帝舊係華嚴菴紹興四

年請賜今額淳祐四年趙安撫與憲增建寶閣

咸淳志下同

福全院 在慈雲嶺下紹興五年請昌化縣廢額未幾燬

嘉定十一年重建有圓通閣

淨勝院 在履泰鄉俗稱昇仙宮宋時女僧妙清建高宗

常臨觀焉有御愛松

西湖游覽志

永隆院 在靈芝寺側紹興十年有在京毗盧寺僧淨琳

卽錢湖門外建毗盧解院乾道丙戌移請今額紹定間燬

端平至景定以次重建

咸淳志

永寧崇福院 在金沙港又名小隱寺舊係內侍陳源適

安園近世所歌菊花新曲破之事正係此處後改爲寺

武林

舊事 紹熙元年賜充功德院改今額咸淳志下同

南資忠報院 在九里松初名長壽菴改賜和國菴慶元

六年移請今額

佛光福壽院 在履泰山麓旌德寺子院武林舊事原係小菴

移請今額嘉定十七年法師如坦請為塔院恭聖仁烈皇

太后賜錢重建寧宗御書桂堂二字扁之丈室咸淳志

般若院 在龍山乾道四年建咸淳志舊廢萬歷甲午僧聖

誠定浮重建武林志

淨教院 在方家峪乾道中僧如淨建賜額咸淳志蔡貴妃

香火院西湖游覽志

興福院 在楊梅塢淳熙初慧光禪師若訥奉旨創建紹

熙三年賜御書彌陀興福教院額咸淳志 宋末燬天啟甲子

復建天竺山志

永安院 在埽箒塢淳熙間僧道恩建爲觀音菴慶元二

年發地得石幢有永安寺名廣順三年歲次壬子二月丙

午日建就請爲額嘗以奉吳秦王香火院有小圃亭曰清

芬咸淳志

資壽院 在青芝塢原係大聖菴淳熙七年移請今額西湖志

志

寧親廣福院 在方家峪紹熙三年撥寶藏院前地建舊



名報恩廣福爲淑妃陳氏香火院紹熙四年正月改今額

咸淳志

淨林廣福院 在風篁嶺慶元三年楊開府移請爲額主

僧可全創松關南泉芳桂亭爲留憩之地咸淳志土人呼上

楊菴後爲演福寺遂廢武林舊事

寶蓮院 在靈芝寺側舊在寶蓮山嘉定十四年移今處

咸淳志楊節使廢爲園徙寺于豐豫門外西湖游覽志

崇福院 在龍山紹定五年建專充接待咸淳志

崇真道院 在蘇堤第四橋咸淳四年建其地舊有水仙

王廟并以香火奉屬焉咸淳志後有閣今改爲僧寺武林舊事

洞明禪院 在石函橋咸淳六年朱端卿捨宅爲菴僧嗣

源實經始之頗得湖山之勝

咸淳志

神霄雷院 在慶化山宋咸淳間道士陳紫芝自閩來卜

居茲山祈禱有感賜號冲素真人又賜院額崇奉雷神化

舊志

王謙神霄雷院記院在慶化山麓規制雖小而所踞雄峙望之懷然宋嘉定間陳崇真自閩來樂其地遂留茲建焉理宗初政聞有道召見命以劍水入布嚙有紅露異之遂錫以紫芝號衝真人仍賜今額中肖九宸道像及列諸雷君操兵以衛嚴神霄府其雪犬在旁而杖戟者徐急捉數形見人尤畏視之元初西僧楊總欲更爲佛廬以方媚上于塔藏趙氏御骨故無誰何者犬則爲寢噬之懼來膜拜卽告誚冒皆去仍新以土木焉靈著如此

福地院 在葛嶺西宋賈似道故第僧滿月卽其地建院

大德二年雪菴李溥光被旨來南開山闡教重建僧坊題

曰頭陀福地元至正末燬成化舊志

普慈院 在秦亭山嘉靖初僧廣莫建武林梵志

法華律院 在西溪路北嘉靖中東暉曉禪師建里人金

姓施俗呼金家菴西溪梵隱志

真覺院 在桃源嶺嘉靖三十八年僧伴雲建武林梵志

報恩院 在白沙堤之西舊名盧舍菴西湖志萬歷間織造

孫隆有德于杭郡人建祠祀之

國朝順治己丑盧九德修造立柵水中禁人捕捉以爲西湖放

生之所遂名盧舍康熙五十五年改建更名報恩院錢塘縣志

天醫院 在臙脂嶺錢塘名醫朱應軫建以奉陶吳許三

真君殿後爲上池軒上池清冷澄澈竹石蓊翳可愛督學

喬公因阜爲之記

西湖游覽志

室羅院 在圓通菴西北俗稱楊家菴崇禎中僧海智築

佛堂

西溪苑隱志

龍岡禪院

在江干

錢塘縣志

項景襄龍岡禪院記畧先是龍岡寺右有荒山廢址十七畝歲飢寺僧出售歸其直建屋十餘楹頗擅清勝後濬池得古石佛像會有苦行沙門本導欲啟雙林以演三乘迎而居焉導師率其徒修舉廢缺募建大殿五楹及諸寮廡庖漏咸具名之曰毘尼林以補本寺禪堂之闕

上清宮

在雷峯塔北葛仙翁煉丹舊址道士胡瑩徵祖

築菴淳祐中重建賜今額理宗御書清淨道場

武林舊事

玉清宮

在錦塢西紹定元年建理宗書玉清之宮以賜

元末燬

咸淳志

太清宮

在小麥嶺紹熙元年建寧宗御書太清宮歲寒

亭及養性二字以賜又有矩玉亭咸淳四年充功德院

咸淳志

志

寧宗時朱靈寶守固建有歲寒軒養性凝神二堂今改

觀音院

武林舊事

天清宮

在青芝塢女冠沈師謙築菴寶祐五年移請今

額

咸淳志

明真宮

在湖墅

舊志

舊在九里松嘉定中寧宗御書明真

二字咸淳志

今移建錢塘倉北萬歷舊志

神仙宮

在西溪宋御書神仙宮額黃冠千指至端平間

有女真魏無瑕築室退居于此今惟宮名存焉

西湖志

七寶普賢閣

在下天竺沙門善照以七寶塑普賢菩薩

像吏部尚書虞策志其事

成化舊志

西嶺草堂

在下天竺標法師立

西湖志

淨業堂

在秦亭山爲淨性下院僧圓禮築地饒竹名萬

竹淨業堂額曰香光莊嚴

武林梵志

黑觀音堂

在集慶寺東俗傳宏治間太監張慶遊山至

此見青衣女子匿入此菴索之不得見座中黑漆觀音禮

拜而去自是香火遂盛

西湖游覽志

按西湖志云園亭非現在所有者皆列入古蹟惟寺觀  
祠宇興廢不常雖古剝荒祠凡舊志所載者俱收入今  
仍之

杭州府志卷三十一

寺觀 仁和 海寧

仁和縣郭外

勅賜圓照寺 在天開河

國朝順治年間臨濟正宗茆溪森開山

世祖章皇帝賜名圓照寺後森歸隱華嚴庵圓寂建塋寺內雍正

十一年奉

勅追封明道正覺禪師設立牌位供奉塋院奉

旨重修十二年

御書法輪弘轉扁額

浙江通志



廣嚴寺

在臨平鎮西晉義熙十二年通法師建以供華

嚴故舊名華嚴院隋大業間燬唐高祖時元覽法師卽其  
舊址恢拓之會昌中寺燬大中間里人濬井得石函華嚴  
經六十一卷遂捨宅爲寺建塔以藏焉宋治平中賜今額  
元末燬明洪武初復建立爲叢林正統間重葺龍興寺迎  
峯菴月華菴皆併入寺中

仁和縣志

勝果禪寺

在包家山

武林舊事

隋開皇二年建唐無着禪師

重興宋慶歷中郡守鄭戢奏賜額曰崇聖

勝果寺志

元至正間

重建明永樂十五年復建

仁和縣志

國朝乾隆三十年

皇上南巡

御題勝果寺匾聯恭紀卷首

南巡盛典

僧處默至勝果寺詩路自中峯上盤回出磔蘿到江吳地  
盡隔岸越山多古木叢青霭通天浸白波下方城郭近鐘  
磬雜笙歌王安石遊勝果寺詩登堂見山水身在小中  
央下視樓臺處空多樹木蒼浮雲連海氣落日動湖光偶  
坐吹橫笛殘聲入富陽王守仁移居勝果寺詩江上但  
知山色好峯迴始見寺門開半空虛閣有雲住六月深松  
無暑來病肺正思移枕簟洗心兼得遠塵埃富春咫尺烟  
濤外時倚層霞望釣臺

崇聖塏 在鳳凰山頂七級高二十餘丈晦夜放光景祐

初僧慧然建慶歷初郡守鄭戡奏賜號崇聖塏

咸淳志 南渡

建行宮廢

成化舊志

報國講寺

在鳳凰山麓唐號羅漢院南宋為大內元至

元十三年從楊璉真伽請故宋內建五寺日報國日報元

日報若曰小仙林日報勝報國基址即垂拱殿延祐六年

火燬大訖禪師重建

報國寺  
考古錄

興元寺即芙蓉殿般若寺即

和寧門仙林寺即延和殿尊勝寺即福寧殿楊璉真伽發

宋諸陵建塔其上其形如壺俗稱一瓶塔高二百丈內藏

佛經數千萬卷佛菩薩像萬軀聖飾如雪故又名白塔至

順辛未正月十四日黎明雷震之至正末爲張士誠所毀

其寺鐘即故禁物也洪武二十四年重建報國寺

西湖游  
覽志

萬歷丙午僧海音新葺

武林  
梵志

黃潛鳳凰山禪宗大報國寺記至元二十一年有旨即杭州鳳凰山之行宮建大寺五分宗以闡化其傳菩提達摩

之學者賜號禪宗大報國寺乘法力以暢皇威宣天休以  
隆國勢也比邱妙齊承詔開山朝廷既授以田若干畝而  
蜀其稅賦齊復置宜興莊田若干畝而貴用日益豐盛歲  
滋久寢就衰削延祐六年不戒于火寺盡廢其明年江浙  
行中書省左丞相脫歡答刺罕領行宣政院事制可任典  
復之寄者得大訃以爲住持聚貨食召匠備斤基址簡材  
甃將諏日以庀事首令善于宮宅地形之術者測景辨方  
審曲面勢寺故東向稍易近南作佛殿法堂丈室山門後  
負立壁前瞰奔濤茂松美竹蔽虧左右位置適宜而山川  
爲之改觀飛翠濕紅侵霄映地棟宇之雄麗亦昔所無刻  
雕藻繪像飾有嚴華旛鼓鐘列置如式莊田奪于豪民則  
白之有司而故疆畢歸泰定二年訖遷中天竺法明來補  
其處土木之事盡委于徧繼程督勸相徧獨以身親之雲  
堂蒙堂衆寮兩庶旣成而徧第卧具井區春磴之屬一無  
所缺至正四年今住持正達實來其明年造鐘經兩樓而  
叢林之規制大備自始役至訖功凡十六寒暑其爲費大  
率取諸經用之美財而合衆緣以相其力之所不給狀稱  
始創寺時剏池得斷石乃安國羅漢院記相傳卽其故址  
異時以院爲行宮而今復爲寺殆非偶然按宋史及臨安  
志行宮本杭之州治其徙安國羅漢之額于相國西井在

建行宮後五十有五年與狀所載不能盡合姑附見之以廣異聞焉

昭化寺 在德勝橋唐長慶三年建舊名龍龕後周顯德

三年復建宋大中祥符間改今額舊在芳林鄉紹興間遷于此旁有潮王廟元至正間燬明洪武四年重建立爲叢

林永樂九年火復建成化十二年少保于謙給事張晟修

葺殿後存唐朝松栢三株

仁和縣志下同

俞珩昭化寺詩紫棟輕風白苧涼短輿催我過南塘面承翠羽穿松徑背負青天白石梁半日間情今遂得百年塵慮此清忘舊遊寄壁多新句半是劉郎半浣郎劉英詩風軒話久覺清涼白藕花開近石塘老去詩名慙沈宋古來佛法重齊梁坐臨流水心方淨吟愛青山夢不忘休得沉酣便歸去欲將小品問支郎倪宗正詩萬竹清清隔石橋薜蘿恍若蘼芭蕉眼前春色俱消歇定裏禪心忘寂寥雲意依微生畫壁月光浴漾破烟霄一杆清影今分我

幾度風霜  
不受凋

梵天寺 在梅村唐天祐元年吳越王建名順天院宋治平二年改今額元末燬明洪武十年復建

化度寺 在江漲橋梁天監間朱异捨宅爲寺名衆安隋

改衆善唐改重雲再改承雲

神州古史攷

宋治平二年改今額

元至元間兵燹至正間僧若金重建今併香積寺

仁和縣志

安隱寺 在臨平山之南後唐清泰元年吳越王建舊名

安平或謂安平以前又名永興宋治平二年改今額

咸淳志

元至正末燬隨建明洪武間始立爲叢林永樂初修

仁和縣志

張丹過安隱寺詩古剎松嵐下相攜一徑清山鐘雲裏斷庭鳥竹間鳴落木猶春色晴溪帶雨聲不須頻禮佛吾意

得無生

永慶禪寺 在黃鶴山之陽今稱龍居寺唐清泰間建元

燬明萬歷間僧如艮等就故址構禪堂殿宇前有沼後有

泉方伯吳公書永慶禪林額

武林梵志

李流芳宿永慶禪院詩歸裝出西湖問道向黃鶴屢愆桐  
塢期偶遂龍居諾輕舟凌晨風遙山滿時郭丹林尚可數  
寒條紛無托披松指微徑聽水捫暗壑新構爭遠勢平臺  
攬搖落霜後山容淺天晴海氣薄暫憩塵勞心始知寂靜  
樂每多方外遊見僧卽如故燈明一龕下夜長愜深悟不  
知山月上千株已流素出門尋舊溪愛踏松影路氣如空  
宇澄寒魄如春露去寺不數武回腸  
驚弄互幽泉洗我心微鐘杳然度

治平寺 在永和鄉唐天成間靈素法師建名祥符宋治

平間改今額元末燬明洪武十四年重建

仁和縣志下並同

徧福寺 在赤岸晉天福間建名衆善宋治平二年改今額元末燬明洪武初立爲叢林

廣教寺 在北新橋東晉天福間建宋大中祥符改額

崇善寺 在安仁西鄉晉天福間建名衆善宋治平初改今額大觀間燬建炎間重建元末燬明洪武間復建立爲叢林

福濟寺 在廉德鄉晉天福間朱可榮捨地建元末燬明洪武初復建

定光寺 在城北清湖中閘晉天福間吳越王建時有汀州僧長耳和尚居此顯定光古佛化身因名元末燬明洪



武間重建

沈朝宣定光寺納涼詩僧房幽近水軒隱綠陰中瘦竹環  
清氣虛窓進野風酒懷涼更豁詩句靜偏工落日猶航坐  
高情契遠公陳大烈詩野寺新秋喜獨行西風此日快  
遊情入門牆影初疑雪點坐花香不辨名石枕有緣安午  
睡茗甌無厭散餘醒松陰滿院塵囂遠何處敲棋落子聲

崇果寺 在武林門外夾城巷吳越王建舊名羅漢院宋  
治平中改今額元末燬明洪武初重建今奉晏公神俗呼  
晏公廟

佛日淨慧寺 在城東北五十里黃鶴山之陰石晉天福

七年吳越王建號佛日院宋大中祥符元年改今額

嘉靖  
仁和

縣志 寺久廢明萬歷間雲棲金臺掄法師重建

浙江  
通志

蘇軾宿佛日榮長老方丈詩陶令思歸久未成遠公不出  
但聞名山中只有蒼髯叟數里蕭蕭管送迎日射西鄣午  
枕明水沉燒盡碧烟橫山人睡覺無人見惟有飛蚊遶鬢  
鳴范成大佛日寺詩帆掠楓橋意欲飛西山雲物遶依  
依回思客路豈非夢乍聽鄉音真是歸舊事嬾從年少問  
故人稍覺坐中稀不須更說桑榆晚杭稻鱸魚也自肥

淨信寺 在桐扣山晉天福中建宋治平移請今額明併

廣嚴寺

嘉靖仁  
和縣志

慧日寺 在博陸村舊在孤山吳越王建宋大中祥符移

建今處元末燬明洪武中重建天王寺保江院資慶院俱

併入寺中

仁和縣志  
下並同

因果寺 在艮山門外後晉開運二年建名崇壽宋大中

祥符元年改今額元末燬併崇福寺萬歷壬子僧月居璽

重建

吉祥寺 在永昌門外舊在臯亭山周顯德間建宋紹興間請福安吉祥額咸淳九年重建

興教寺 在臯亭山西吳越錢氏建名興善爲伏虎歸禪師道場宋治平二年改額元末燬明初重建

殊勝寺 在艮山門外宋建隆元年吳越王建名最勝治平三年賜今額元至正間燬明洪武間重建

白石寺 在艮山門外宋建隆二年建元至正間燬明洪武三年重建二十四年立爲叢林舊在白石村永樂十二年潮壞移今所

外水陸寺 舊在湯鎮宋建隆間建嘉熙三年遷建海寧

寶祐三年移于華家池北元末燬明併佛惠寺

蘇軾寄清願詩草沒河堤雨暗村寺藏修竹不知門拾薪  
煮藥隣僧病掃地燒茶爭客魂農事未休侵小雪佛燈初  
上報黃昏年來漸識閒  
居味思與高人對榻論

梵天講寺 在鳳凰山 嘉靖浙江通志 宋乾德中吳越王建名南

塔治平中改今額元元統中燬明永樂十五年重建內有

石壇二靈鰻井金井 西湖遊覽志

僧守詮梵天寺詩落日寒蟬鳴獨歸林下寺柴扉夜未掩  
片月隨行履惟聞犬吠聲又入青蘿去 蘇軾梵天寺見  
守詮小詩清遠可愛次韻但聞烟外鐘不見烟中寺幽人  
行未已草露濕芒屨惟應山頭月夜夜照來去 朱子過  
寺觀雨詩持身乏古節寸祿久棲遲暫寄靈山寺空吟招  
隱詩讀書清磬外看雨暮鐘時漸喜涼秋近滄州去有期

釋迦真身舍利塔 在鳳凰山貞明二年命惠州防禦使

率官吏僧衆詣明州鄞縣阿育王寺迎釋迦舍利塔歸於

府城仍建浮圖於城南以置之

吳越備史

顯德五年火開寶元

年忠懿王重建錢氏納土舍利入京置在開寶寺

咸淳志

定香寺

在艮山門外宋乾德四年建于西湖定香橋名

香積院治平二年改今額寶慶間建旌德觀移建今所

武林

梵志

香積寺

在江漲橋北宋太平興國三年柯氏捨宅爲寺

舊名興福大中祥符間改今名

萬歷舊志

元末燬明洪武辛亥

重建爲叢林

仁和縣志下並同

崇福寺 在艮山門外宋雍熙間建大中祥符元年改今  
額大觀間燬紹興間重建元末燬洪武十六年復建立爲  
叢林

寶界寺 在艮山門外舊在武林門內名翠峯宋治平間  
移此改今額

王守仁寶界寺回文一首晴日落霞紅蘸水杖藜扶客眺  
西津鶯鶯喚處青山曉燕燕飛時綠野春明月海樓高倚  
遍翠峯烟寺遠遊頻清多漫賦詩囊錦對鏡愁添白髮新  
陳善寶界寺留題紀興詩突元金仙地鸞飛滄海陰神  
光涵玉沼瑞靄結珠林說法龍潛聽忘  
機鳥共吟尋幽時一到趺坐獨觀心

普濟寺 在大雲鄉宋治平二年建元末燬明洪武初重  
建

羅漢寺 在亭溪村宋政和三年僧釋道經此地聞鐘磬聲遂開佛刹乾道四年移請今額元至正末燬明洪武間重建正統間復葺

國朝康熙十六年元瑞法師大開講席立爲叢林

真如寺 在望江門外宋建炎三年建以處流寓元末燬明洪武間重修

崇先寺 在臯亭山一名崇光宋紹興間建真歇了禪師開山後寧宗改禪爲教御書臯亭山三字及崇光顯孝華嚴教寺八字以賜元末燬明洪武間重建萬歷間重新殿宇

國朝順治丙申覺浪禪師住持重興大殿百廢具舉

宋高宗幸崇先寺看桃詩臯亭山下舊桃源劉阮忘歸我  
亦然循輦有香春芳草細翩翩清興若登仙 參寥子崇先  
寺晚眺詩小橋蒼壁倚溪斜赤葉楓林噪晚鴉可怕嶺雲  
埋徑路會尋流水到君家 文震孟崇先寺詩合布黃金  
地還憑白足僧因修久廢寺再續不傳燈茵蔓壺懸屋垂  
花荳滿棚誰云有爲法龍象待重興 沈峻曾詩臯亭山  
下崇先寺十里桃花間李花碧水灣頭餘白雪青峯影裏  
遍紅霞舟行小港多岐路人過孤村有幾家疑是天台仙  
逕近飛花片  
片雜胡麻

延聖寺 在候潮門外寺面江宋紹興間建菴乾道間潮  
勢怒激孝宗禱而息賜延聖額改爲寺崇奉天妃嘉定間  
賜錢增廣之元末燬重建

顯教寺 在武林門外舊爲華嚴菴宋紹興間建乾道五



年勅改今額舊在城中金剛嶺嘉熙間燬寶祐間徙今處  
元末燬明洪武初重建

寶華寺 在會安村宋乾道六年馬宗浩捨宅爲菴名寂  
慶嘉泰間沂靖惠王重建淳祐七年移請今額元末燬明  
洪武三年復建

崇聖寺 在奉口宋淳熙間建元時燬明洪武重建立爲

叢林

嘉靖仁和  
縣志下同

永慶寺 在清泰門外宋寶慶二年建後燬元大德至正  
間重建

月塘寺 在高原舊在月塘北宋嘉泰元年建賜真如院

額淳熙五年改今名嘉熙三年潮壞遷建何衡店元至正

初復壞遷今所元末燬明洪武間復建

仁和縣志  
下並同

顯忠寺

在豐稔鄉宋嘉泰間建寧宗微行見僧持誦問

之答曰忠以事君祝壽常事稱旨賜今額元末燬明初重  
建立爲叢林福全寺永清廨院各址皆併入焉

月輪寺

在黃鶴山陽宋嘉泰四年建嘉定五年寧宗御

書普照二字元末燬明洪武十五年重建

金佛寺

在豐稔鄉宋嘉泰間建元至正燬明洪武間重

建併入崇聖寺

福田寺

在候潮門外羅木橋宋寶祐二年徐路鈐捨宅

建寺請額曰福田元至正間燬泰定間重建復請額加慶

壽二字

萬歷舊志

明洪武二十四年立爲叢林

武林梵志

蔡克宗福田寺詩江村開佛地樓閣倚清暉響近風生海陰森竹覆扉慈航能載客潯暑不蒸衣疎雨隨秋至殘蟬

已息

機

崇興寺

在北新關後元至元建至正燬明洪武重葺後

立爲叢林隆慶燬僧佛廣又修寺內有千頭古栢一株

仁

縣志下並同

長壽寺

在大雲三山峯舊名留茨菴元大德間建

覺圓寺

在武林門外元皇慶間建元末燬明洪武間重

建後併昭化寺崇正間僧道林復葺

沈朝宣覺圓寺詩不禁炎暑過僧家尚未披襟爽氣加樹  
駕大雲移殿角水分涼氣到窓紗廣寒宮寔將誰信碧玉  
堂深祇自誇睡起閒庭幽  
思豁蟬聲靜耳一甌茶

海潮寺 在永昌門外明萬歷間建太監張隨奏請今額  
景星觀 在臨平鎮宋紹興十年建舊爲東嶽行祠淳熙  
二年移改是額

國朝康熙間重建

寶月庵 在長樂鄉梁貞明元年建元末燬明洪武初重  
建

龍樹庵 在慶春門外卽古羅漢院周廣順元年建宋大  
中祥符間改名法善元時燬明萬歷初卽故址重建題今

額

清波庵 在艮山門外建自錢氏築塘時歲久圯明天啟

間重建

洪瞻祖詩艮山門東清波樓清波樓畔清波菴茲菴繇來  
七百載云是錢王所建壇宋元皇明歷三古滄桑遷變今  
非故不知典廢經幾翻留得殘基與斷礎無師來自清涼  
山蛾眉衲子曹溪禪覺王指點因緣路杖錫翩翩住此間  
寶幢半豎僧徒集法會宏開資願力談經屢致來早龍說  
法真堪點頑石經營築構禪宇成琳宮蘭若一時新金鐘  
玉磬課佛事梵唄風飄四野聞菴前菴右桑麻綠清波水  
碧流寒玉客來揮塵共談禪清茶百杯猶未足王益朋  
詩桑床十里擁精藍漱澗波光接遠山覆砌晴烟花正發  
侵床明月鶴初還六時蓮漏人猶在三徑修篁手自刪  
掌風塵樓宦海從師分得片時閒

總持菴 在鳳山門外宋開寶間錢王建于西湖南山治

平二年改善應總持院元至正三十一年遷建今處易爲菴

淨業菴 在廉德鄉卽開化寺宋治平間蜀僧定公建宋末燬元元統中重建明正德間燬萬歷間僧無可結茅數椽里人捨地遂擴殿宇

下塔月明菴 在臯亭山宋紹興間爲清杲禪師塔院元末燬明萬歷丙午僧雪峯冰輪重建崇正僧法如增置禪堂旁有柳翠塔

佑聖菴 在得勝橋宋紹興間建以奉真武聖像屢有靈應安鎮風水庇佑居民明洪武間重修景泰間羽士王正

宗等志存修復至成化庚寅就緒聖閣煥然一新

觀音菴 在豐稔鄉宋紹興間建明洪武間併純一院正

德元年郡人重建

影菴 在艮山門外宋乾道元年建名隱靜菴慶元四年  
請九曲真覺院額院久廢

國朝順治戊戌僧於天卽舊址復創更今名

永濟菴 在艮山門外宋淳熙十四年建初建時左柱現  
蓮花光艷迥異事聞賜額瑞像後爲潮圯萬歷間重建更  
今名

化城菴 在塘棲馬鞍山宋淳祐元年建趙孟頫題曰化

城深處內有宋龍牌井闌上刻淳祐年號

嘉靖仁  
和縣志

興化菴 在謝溪村西宋咸淳間建元末燬明洪武十九

年重建

仁和縣志  
下並同

大圓菴 在永和鄉宋咸淳間建元末燬明洪武初重建

聚秀菴 在超山之南元延祐二年建元末燬明洪武六

年重建

圓通菴 在候潮門外元至元初建後燬明洪武間復建

興福菴 在仲溪鎮元至正初建十六年燬明洪武元年

重建

正定菴 在永昌門外元至正間建嘉靖時廢萬厯間僧



滿覺卽故址結茅棲止天啟間僧聚周建大殿懺堂蔚成  
蘭若

聖壽菴 在永昌門外元至正間建

西向菴 在橫塘卽無量壽院舊址明洪武初僧芷菴重  
建萬歷僧大澄復修

華嚴菴 在塘棲鎮明成化時建

圓通菴 在艮山門外三里明隆慶間建僧慧燈重建屠  
粹忠書額

法雲菴 在臯亭山明萬歷初建爲雪竇法光淳住錫之  
所

西渡菴 在定山東江渚距城五十餘里明萬歷初建太常葛寅亮題額

蘆菴 在曲水菴右卽正等院萬歷初正等寺僧如覺因龍歸塢遷此菴董宗伯題曰交蘆又以菴構蘆中直名蘆菴崇正間僧性圓拓菴成院大學士錢士升題曰復古正等院

西溪梵隱志

法華菴 在鳳山門外本尊勝寺舊址明萬歷間重建

仁

縣志下並同

永豐菴 在十都八畝明萬歷間土人見此地每發祥光遂創建更名永福

大悲菴 在清波菴後卽古壽聖寺址天啟間僧一如重建菴有放生池周一十四畝

法音菴 在艮山門外天啟四年僧嶽明建嶽明俗姓黃俗又稱黃菴

范孝子菴 在臯亭山麓一名木石居

國朝順治間里人范文魁母病刲股夜夢神人曰汝孝行格天母病不日愈范卽捐資創菴于太平寺側里中咸稱范孝子菴云

金剛菴 在得勝壩

國朝順治初上乘禪師建

大覺院 在城北芳林鄉唐元和二年建五代燬元至大間重建至正末燬明洪武間重建後併昭化寺萬歷癸卯僧覺海重建

覺仁院 舊在湯鎮唐時建宋治平間改今額乾道時燬寶慶三年重建明洪武間立爲叢林後移建臯亭山

大慈院 在小林鎮梁貞明二年吳越王建定慧禪師開山元末燬明洪武初重建名大安寺

崇福院 在慶春門外晉爲護國仁王院宋大中祥符改額元末燬明萬歷間重建

吉祥院 在超山東北晉天福五年建名福臻宋紹定改

今額元末燬明洪武間復構嘉靖間燬萬歷間重建

明覺院 在永和鄉吳越王建號丁山羅漢院宋治平二年改今額明初併佛惠寺

保慶院 舊在湯鎮吳越王建名保安宋治平二年改今額明永樂間遷至桐扣山下

崇聖院 在鳳凰山東創始于吳越王宋淳熙間更爲親藩香火歷元至明古風行素二上人更新之

崇聖紀事

洪覺崇聖院詩高節長身老不枯平生風骨自清癯愛君修竹爲尊者却笑寒松作大夫未見同叅木上座空餘聽法石爲徒戲將秋色供齋鉢抹月批風得飽無黃魯直崇聖院詩平生脊骨硬如鐵聽雨聽風隨宜說百尺竿頭放步行更向脚跟叅一節

上塔伏虎院 在臯亭山伏虎禪師每騎虎出入回山化

錢買猪首飼虎後圓寂于興教寺此卽其塔院也萬歷舊志

久廢

國朝康熙間住持僧大文重建

仁和縣志下並同

中塔悟空禪院 在臯亭山宋真歇了禪師塔院紹興初

賜號悟空塔名靜照

觀濤奇和尚過塔書懷詩桃李花開村路迷雲眉人老事堪稽春禽處處如相識幾度看山信杖藜古墻竹色麗晴霞華表誇傳宋世家塢口年年春似織殷紅淺綠破袈裟梅花幾樹繞籬門草履徘徊仔細論莫問塔中人定否寒香珍重此心存蒼藤老屋護深雲花氣曾將宸輦薰夜夜龕燈霜月上山君猶拜舊碑文

寶華院 在永昌門外宋建炎間燬元至正間重建明洪

武間併延聖寺

智果院 在武林門外舊爲朱東山萬壽寺四面環水蓮花盛時香聞里許元末燬明洪武間僧文圻于舊基得觀音像三焚不毀建殿以供俗因稱觀音菴萬歷間復闢地濬池種蓮作亭以追舊蹟

崇恩院 在臯亭山桃花塢宋高宗賜崇恩顯義額并御製古詩五首及東坡所書墨竹賦俱勒于石明萬歷間重建

國朝康熙丙午住僧開拓鼎新

大佛院 在艮山門外十里相傳宋南渡後舊有小菴菴

內有井焉起黑氣不辨彼此須臾變爲白光事聞高宗造大佛井上壓之嘉泰三年勅建爲大佛院

圓滿院 在超山之陽宋紹興初胡氏建亦名報慈圓滿院內有海雲龍洞名惠濟祠禱雨卽應明初併安隱寺

萬歷

舊志

慈蔭院 在黃鶴山之麓俗名宋家菴宋紹興間建爲真歇了禪師道場僧無爲重建今爲蓮居下院後有紹覺本

金兩法師全身塔

仁和縣志  
下並同

福善院 在艮山門外宋紹興間請額歲久湮廢明萬歷間重建



國朝順治中僧元杲重葺

福善院 在城東臨江五畝舊在艮山門外五里宋紹興間建歲久湮廢明崇正己卯移今所

按仁和縣志載兩福善院而實爲一院所分建于兩地也

無垢院 在大雲鄉宋淳熙元年建元至正間燬明洪武初復建

辦利院 在艮山門外草塘之右宋淳熙時建名利慶嘉泰元年請額明天啟僧融如重建院內有井名生生泉  
永福院 在臯亭山宋嘉定中請額淳祐間重建

國朝順治間僧慧光復整

純一院 在豐稔鄉宋嘉定間勅建元至正兵燬明洪武間併慧林菴址立爲叢林明末燬

國朝順治十二年僧楚天復建

寶慶院 在赤岸宋嘉定間建元末燬明天順崇正間相繼修葺

資教院 在候潮門外卽火星廟遺址元大德間建明洪武二十四年併入延聖寺

樂間院 在太平門外明萬歷間建

國朝順治間重修康熙戊午乃顏今額

拈華院 在艮山門外明萬歷間建

安廬院 在臯亭山明萬歷間慧文法師建董其昌撰碑

記

國朝康熙間住持僧重構

古淨明院 在鳳山門外明萬歷間建向爲雲棲法派接待十方龍象司農葛寅亮題額

順濟宮 在城外東里隅舊在湯鎮赭山之間名三龍王

廟紹熙元年移請雲濤觀額四年旱禱得雨賜額順濟宮

明永樂間徙今處天順間拓地重葺

嘉靖仁  
和縣志

承天宮 在城北三十里赤岸宋嘉泰中建寧宗御書承

天宮三字爲額

成化舊志

三昧禪林 在黃鶴山之陰明崇正間建歷有名僧住持

禪門法器稱雲集焉

### 海寧州

安國寺

在治西

嘉靖浙江通志

唐開元二年建名鎮國海昌院

會昌五年廢大中四年復置名齊豐宋大中祥符元年改

今額寺有大悲閣宋理宗御書妙智之閣賜之元至正元

年重建

武林梵志

明洪武八年真仵建雲堂十一年至大建懺

堂三十年惠燈拓大殿爲四天王殿永樂十三年似蔡建

三解脫門天順間大殿燬宏治元年重建殿後甃石爲九

蓮池萬歷間改爲妙智閣爲千手千眼觀音殿改西方殿爲藏經閣崇正甲戌鐘樓不戒于火丁丑重建

國朝康熙六年里人買隙地構屋四十餘楹供奉五百羅漢雍

正十二年重修天王殿乾隆七年化募修葺

海寧縣志

二十七

年

聖駕巡視海塘

幸安國寺

御製匾聯恭紀卷首

南巡盛典

蘇軾大悲閣記略杭州鹽官安國寺僧居則自九歲出家十年而得惡疾垂死自誓于佛願持律終身且造千手眼觀世音像而誦其名千萬聲病已而力不給則縮衣節食三十餘年銖積寸累以迄于成其高數仞爲大屋四重以

居之而求文以爲記予喜則之勤苦從事于有爲篤志守  
節老而不衰異夫爲大言以欺佛者故爲之記張光祖  
妙智閣靈瑞記略安國寺唐慧悟國師示寂之所也其寺  
有妙智閣高一百三十尺東坡蘇公守杭時題采以紀歲  
月後又勒文于石辭彩絢耀金石鏗鉤至元六年冬予來  
守是州越明年春民以旱告因禱于閣下甘雨隨注今年  
夏六月又大旱苗盡稿子又率僚屬竭誠扣之則雷電不  
聞一雨三日枯苗浥興澗流俱溢歲成大熟且閣舊有傾  
欹勢暨風雨之夕自能扶斜爲正寺僧異之七月二十三  
日壬辰更方初欹祥光燭天五彩畢現遐邇爭相瞻覩至  
夜分乃炮噫怪力亂神聖所不語若時雨時暘則佛力之  
功及于民者豈淺淺哉蘇軾安國寺悟空塔詩已將世  
界等微塵空裏浮花夢裏身豈爲龍顏更分別只應天眼  
識天人塔前古檜詩當年雙檜是雙童相對無言老更  
恭庭雪到腰埋不死  
如今化作兩蒼龍

真如寺 在縣東黃灣菩提山東晉干寶捨宅爲寺周顯

德二年建輪藏

萬歷舊志

宋治平二年賜今額

武林梵志

明洪武二

十四年立成叢林

浙江通志

有般若臺臺上郭熙畫山水又有

靈泉井

咸淳志

張九成遊南路菩提山寺次刁文叔韻詩高僧超物外有  
戶畫常局海澗如天大泉甘識地靈一簾春月靜數點越  
山青便卜歸與計移文休勒銘許相卿兩宿真如寺詩  
夜雨僧齋滯客輿清燈高榻信吾廬元談種種浮生外茗  
椀深深坐醉餘雲路造天無款段野情隨地  
有華胥廿年回首紅塵夢寒影空堂自愛余

惠力寺

在硤石紫蕩山下

萬厓舊志

東晉寧康間尚書張延

光捨宅建初名志願唐乾元元年勅支稅錢修飭唐末燬

宋乾德二年復建大中祥符二年賜額惠力寺宋季又燬

元至正二年重建明洪武二十四年拓為叢林嘉靖三十

七年僧惠銘仍庀材鳩葺

硤川志略

俗名西寺

舊海寧縣志

國朝順治十八年更新之乾隆十二年鐘樓及山門被焚

海寧縣志

周肇引惠力寺詩侵晨入古寺山色靄微茫巒峯陰喬木清樾生夏涼老僧問客到掃徑開松堂治厨接盤溜烹茗兼蕨香銜花想鹿女獻菓擬鴈王假榻倚空翠流夢聞松篁竹風何冷冷吹潤滿衣裳樂此清供因不知山日長

薦福寺 在城西四十六里齊永明初建唐會昌間廢宣

宗時復興宋大中祥符賜今額

成化舊志

明洪武二十四年立

成叢林

海寧縣志

普安寺 在城西四十二里梁大同元年建宋治平二年

改今額

咸淳志

元末廢併吉祥寺明嘉靖間興復天啟間建

大殿禪堂

國朝順治間靈瑩靈誓俱習天台教觀爲台宗講寺乾隆十九



年重葺并增建天王殿

海寧縣志

慶善寺

在治西南梁天監七年士人紅靈度因井中放

光淘獲銅僧伽像捨宅爲寺曰觀海立石幢壓勝宋大中

祥符改今額

舊海寧縣志

寺有千佛閣紹興間僧惟尚與侍郎

張九成機鋒相觸有重名宋末廢明萬歷間僧聞初因闢

帝祠內龜毘盧尊像又嚴設龍藏綴以楞伽閣亡何燬德

乘嗣葺之俗名南寺今稱關帝廟

海寧州志

蘇軾千佛閣詩古邑居民半海濤師來基築便能高于金  
用盡身無事坐看香烟繞白毫王競題千佛閣詩銅瓶  
秋水淨草室月華清不必曹溪去穿雲振錫行

太平廣福寺

在黃岡市唐齊安寺基五季兵燬惟剎幢

在宋建隆中有僧結茅棲止歷四十年乾德二年額曰太

平菴熙寧元年賜今額明洪武二十四年立成叢林成化舊志

明末漸圯台宗法師靈聞重開方丈像飾一新海寧縣志

碧雲寺 在審山東北唐大歷三年俱胝禪師開山元末

燬明洪武二年僧懷宗建殿宇齋堂萬歷四十四年僧雲

浪重建佛殿僧寮拓爲叢林雄壯修潔遂擅一方蘭若之

勝崇正八年建藏經閣于俱胝岩下

國朝順治間僧漢文募建併禪堂僧寮俱新之袂川志下同

朱樸宿碧雲寺詩塔影蕭蕭夕照間碧雲黃葉滿秋山空

堂夜冷無燈火惟有貧僧乞食還楊汝允碧雲寺詩何

年卓錫寄遐踪巖壑迴看紫翠重地僻故因無暑到林深

當自有雲封千山夜雨聞飛瀑半壁朝陰翳古松已覺人

天坐超忽况餘清籟度疎鐘 查慎行碧雲寺詩徑曲耐  
幽尋杉籬步步陰烟光遮寺斷殿影赴潭深昔受栴檀供  
今傷樵牧侵欲知增減劫成壞視禪林

勝果寺 在紫微山南唐長慶間建俗稱南寺明初址廢

國朝順治十三年復建三元院康熙間僧朗月募修

寶林寺 在城西二十里唐乾寧間建元末燬明季復建

國朝乾隆二十一年重修

海寧縣志

淨信寺 在城西南六十里晉天福間建

咸淳志

元末燬明

洪武時立成叢林

海寧縣志

崇敎寺 在城東北舊名妙果長興二年建

咸淳志

宋末廢

元至順四年重修明洪武二十四年立成叢林

海寧縣志

覺王寺

在長安鎮唐長興四年建舊名正覺宋治平二

年改今額

咸淳志

元末兵燬明洪武初重建二十四年立成

叢林

浙江通志

國朝順治五年重新乾隆十八年重葺

海寧縣志

僧惟肅覺王結大界碑記畧長安爲鹽官所屬鎮覺王寺在鎮之西始平李唐建錢氏之世屋宇墮廢惟存塔基蓮花幢石尊像而已是時文穆王爲太史令判府事邑民具狀重建公從其請實寶正六年十月也至宋治平二年改額自實正距今元豐九年一百五十有七載矣雖山門佛殿法堂方丈悉備惟大界未結尙存自然之地是猶基址不築欲棟宇安立其可得乎予嘉祐庚子歲居方丈尸講席凡十載未嘗一日不思結界焉無何歸越十五年復來方丈繇是準毘尼秉羯磨立標相以結之卽元豐丙辰歲正月十一日也意予之往來此寺二紀有餘考乎再創僅二百年而結界之務今纔成辦乃知劫火不壞之法豈偶然而得行與

吉祥寺 在許村舖北舊名齊明宋建隆二年改名迎祥

治平二年重修改今額元末燬明初重建

萬歷舊志

興福寺 在駱家舖東北宋開寶二年建熙寧間賜額明

洪武間立爲叢林

海寧縣志

延恩寺 在城西北二百六十步俗名西寺舊爲安國寺

藏院

舊志

宋建炎四年建寺元祐四年勅賜今額明洪武二

十四年立成叢林

國朝康熙八年僧岳教等募修

海寧縣志

新寺 在城東二十里宋熙寧四年建有蘇子瞻碑記

舊志

海寧縣志

國朝重建

海寧縣志

許汝稷新寺詩離離野寺鐘聲出漠漠雲扉  
拓影連苦憶東坡老居士一生常伴小乘禪

金佛寺 在松林舖東宋紹興間建名上乘院乾道間改

額元末燬重建

武林志

明洪武二十四年立成叢林

海寧縣志

吳本泰重遊金佛寺詩草沒禪宮路不分上方仙梵若爲  
聞僧曾識面惟留影樹可齊眉已拂雲蘿碣半欹  
蠅補篆風箏不語鳥呼羣友生話舊  
渾如夢落盡棠梨又夕曛

永隆廣福寺 在馬牧港北宋紹興間建明洪武間立爲

叢林

萬歷舊志

白蓮花寺 在城東北七里宋紹興間建元燬

國朝康熙間重建

海寧縣志

興慶寺

在郭店市北宋紹興間建元燬今復建

海寧縣志

淨妙寺

在城西北二十五里宋嘉熙間建元末燬明洪

武間立成叢林

舊志

雲龍寺

在城西一十五里宋慶元二年建元末兵燬

國朝順治間重建

海寧縣志

永寧寺

在城西二十里宋嘉定間建

舊志

明洪武二十四

年立成叢林

舊海寧縣志

旌忠寺

在城西北二十五里舊在長安鎮宋嘉泰間建

咸淳志

元至順間火遷今處明萬歷間卽長安鎮舊址復建

國朝乾隆十三年又燬知縣劉守成重修

海寧縣志

報國寺 在城西北四十八里宋嘉泰間建咸淳志元末燬

後併資勝寺今卽舊址重建海寧縣志

觀音勝果寺 在城西北四十八里宋嘉泰間初建在錢

塘縣萬松嶺元至正間築城移建鐵冶嶺火移今處併薦

福寺今卽舊址重建海寧縣志

真相寺 在橫塘北宋寶祐間建元燬明初重建舊志洪武

二十四年立叢林宣德四年鼎新大悲閣成化間僧志方

開山領衆宏治初葺天王殿立寺碑明末募修地當橫塘

之勝游覽者多題詠有真相寺大悲閣唱和詩集舊海寧縣志

國朝康熙十三年僧無奇移建方丈乾隆八年大殿燬海寧縣志



崇惠寺 在硤石俗稱北寺元至大間建明洪武十八年

增建法堂二十四年立成叢林寺有毘盧閣正統五年建

國朝乾隆元年重修

海寧縣志  
下並同

朱逢吉崇惠寺記略當西山之麓臨流亢爽元至大元年  
方外人西巖過而奇之遂結茅于上漸廣室宇以成寺焉  
名之曰崇惠既而廢弛洪武十五年壬戌復建法堂成之  
不日二十四年辛未有旨清理佛教以茲山當杭秀之要  
衢雲水往來之所棲息  
乃併歸之以成大叢林

超宗寺 在萍江塘明正德間建

國朝康熙五十八年重建

東寺 在橫塘南一名東林寺

國朝僧宏衍建乾隆六年重修

范驥遊東寺詩壁觀高僧白日長不將魚鼓動修廊籬疎  
遙見茶烟濕齋近微聞佛粥香繞屋竹陰遮梵榻半天花  
雨散橫塘自嫌綺語妨  
禪寂拋却奚奴舊錦囊

大通菴 在城西三里唐大順間建舊在施家塘元泰定  
四年海陷基存明末重建

雲峯雙桂菴 在城北十八里唐大中間建後併真如寺  
今卽舊址復建

繡經菴 在洛塘南宋周氏女妙音守貞不字刺指血寫  
法華經七卷報親手自針繡繡畢坐逝里人建菴

葆真菴 舊在城西南三里乃馬自然得道之所邑人乞  
立宮觀宋宣和二年賜葆真菴額紹興二十三年邑令劉

偉移於縣東二里

咸淳志

明洪武八年重建菴有玉虛閣不

存

海寧縣志

胡奎遊葆真菴詩蓬萊東畔是仙家旭日蒼涼絢紫霞門外黃塵皆海水窓間青鳥識桃花閒尋墨沼來題竹擬借丹爐學煉砂千載安期吾有約他年同喫棗如瓜

按葆真菴舊志稱葆真觀今從海寧州志

興壽菴

在澤全村宋紹興間建

國朝康熙間重修

海寧縣志下並同

惠明菴

在泮江塘南舊在城西門外宋隆興元年建元

末築城遷此

吉慶菴

在城西北十里宋紹定間建

國朝康熙八年重建

真如菴 在城北十五里宋紹定間建後併覺王寺今卽舊址復建

東林菴 在城東六十里宋嘉定間建元末燬明崇禎間重建俗名賜子菴

國朝順治間增設方丈

范驤遊東林菴詩分得廬山一點烟六時蓮漏  
祖師禪不嫌心襍仍就酒陶謝新參十八賢

圓明菴 在袁花北舊在佛遊墩宋嘉定間建元末燬明改建今所稱杲菴

接待朱何菴 在城西一里元延祐間中峰和尚建後併

真如寺

國朝順治間創立接待菴在淡塘南非復中峰舊址

出塵菴 在城西北三十里元至正間建明永樂十六年  
海圻不存

國朝順治間復建俗名阡祿菴

一心菴 在城南隅元至正間建後燬

國朝康熙四年重修

海雲菴 在城西北四十六里元至正間建元末燬後卽  
舊址復建改名海音寺

般若菴 在城西北四十里明宏治間建

國朝康熙間重修俗名孫姑廟

西菴 在西門內明萬歷間建延江右僧竺章爲放生主

因名種慈菴

國朝康熙四十八年重修結放生社于中

葛寅亮放生池記略海昌郭凝之一日謁雲棲大師慨然  
信向乃禮禪師竺章卓錫海昌禪定之餘教以放生爲慈  
悲第一義凝之捐金市地爲善信倡安國延恩二寺西有  
沼廣七畝請之許可其隨喜佈金者固衆而人有爲異說  
以撓之者凝之請子一言以破惑予曰人有不眷戀其族  
屬者乎吾愛吾族而忍覆巢竭澤令鳥驚魚駭而不安其  
生乎是以網宿不取曲示全生見聞不食巧存仁術程伯  
子折竿令民不得取禽鳥而曹武惠王冬月不獵壁恐傷  
蟄虫此誠仁者之用心也至若雀效卿環龜呈紕印儒者  
不道吾姑置之矣 許勉燉偕友憇西菴詩遠林花樹照  
春潭老返雲巢路未諳剩有詩朋尋北郭相隨步履過西  
菴蘭閣寂寂清香散桑畝陰陰綠水涵笑我頻年沉宦海

枯僧空語

遠公龕

惜字菴 在城北門外卽瑞像院址明季建

國朝兵部侍郎楊雍建顏其堂曰解脫文字至今拾字不廢

黃梅菴 在郭溪東崇正九年建

太平菴 在岡橋明季建後燬

國朝乾隆十六年重建

放菴 在紫微山

準提菴 在城西北一里

國朝順治間建

普同菴 在城西北一里古漏澤園地

國朝順治間建有普同塔

龍華菴 在畢家壩

國朝順治間建

寶華菴 在城東北二十里

國朝順治間建

唵龍菴 在城東北十里

國朝順治十一年建

萬壽菴 在醋坊橋南

法華菴 在安戍門內

甘露菴 在城北二里



國朝順治十五年建又城東三十里亦有甘露菴康熙二年建  
稱東甘露菴以別之

怡菴 在城東北二里

國朝順治間建

彭祖菴 在城東北十八里

國朝順治十六年建

大悲紫微菴 在城東二十五里

國朝順治間建

圓通菴 在城西四里

國朝順治間建

楊雍建圓通菴詩金仙半偈意如何古衲雲深  
繞薜蘿况是寒花香沁發赤城秋去莫蹉跎

延慶菴 在城西五里

國朝康熙間建里人陳元龍顏其額曰復正宗風雍正間重修

水德菴 在萍江塘

國朝康熙間建

永慶菴 在城東俗稱張菴

國朝康熙六年建

雲菴 在長安鎮一名齋僧堂

國朝康熙六年建

化身菴

國朝康熙十三年僧宏芳吐火自化里人捨地建菴

梅隱菴 在城東有梅花溪通橫塘水出新橋

國朝康熙十五年建

鄭菴 在城東十里

國朝康熙二十六年建亦名節孝菴

南禪福嚴院

在後社村俗名王墳菴

海寧縣志

齊建元四年

尼僧猛捨宅爲寺舊名齊明後漢改護國報恩禪院宋大

中祥符間改今額

咸淳志

舊在縣東南五里元泰定間潮壞

移今所

舊海寧縣志

李洪南禪福嚴院記略按是院立于南齊建元四年尼日僧猛姓岑氏南陽人徙鹽官縣五世矣曾祖率晉餘杭令

而元和姓氏譜所載南陽漢舞陽侯彭之後軻爲吳郡陽  
太守徙鹽官正與此合漢改葑園報恩禪院今日福嚴者  
本朝大中祥符元年勅賜  
也前志不存姑載其略

圓明院 在城西南五十里唐元和七年建名永城

圖經考異

宋大中祥符改今額宣和間火紹興間重建移縣西北三

十五里併東堽寺今復建

海寧縣志下並同

雪峰廣福院 在城東北八里唐大中間雪峰叅鹽官齊

安禪師因結廬人見夜光亘天起建佛殿號光明禪院宋

熙寧元年賜名壽聖紹興間改賜東菴廣福禪院元泰定

間潮冲遷今處改今額明末重葺

張弼壽聖院記略壽聖禪院西距郭五里俗謂東菴蓋雪  
峰禪師昔嘗隱此身光發現遠近望之以爲回祿馳救則

無有因號光明菴後稍葺屋居僧熙寧元年始賜額天聖以來居無常人仲淵長老主之積十餘年始能造像構殿立三門建方丈華屋巨棟突起照耀千泥塗草莽中予偶遊之壯麗宏大非復前日東菴也浮圖之祠徧天下然必據形勢地利廣集緇徒今壽聖院居鹵田瘠土中豈有山川形勢使然而淵師持以道力疆爲興起之故爲之記

淨明院 在城仁賢坊梁紹泰二年建舊名法明院後改淨信尼院宋治平二年改今名

按倪家橋東亦有淨明院俗稱邵家菴

東堽廣福禪院 在縣西北二十五里晉得法師開山後燬宋乾德元年重建紹興間改額咸淳志永樂間潮蝕不存

今移額于觀音菴舊志

資聖院 在長安鎮西沈墅晉天福間建名資壽宋治平

二年改今額咸淳志又名資勝

國朝順治十五年重建海寧縣志下同

淨居院 在淡塘北宋隆興二年建舊名靈塔院乃張無垢香火地也今卽舊址復建院有童兒塔

章瑋重修塔記略鹽官古牒縣南隅有佛祠曰靈塔相傳唐季焚掠近歲西南郊夜有光亘天邑人訪之得一壞浮圖莫知所始里老謂此地向有佛宮里之童兒聚瓦礫爲小塔後人增飾之成浮圖而焚棄于五季之兵火故所餘如此逾歲有僧淨信願加修治始于元祐戊辰二月落成于四月張九成重建塔記略壽聖禪師惟尚歸老童見塔之西子寓居鹽官遇風日清美尋師于茂林修竹間一日予指塔問其故師出章瑋石刻且曰舊塔廢爲道士居者凡二十年矣紹興丁巳僧德謹卜地其東今蘭若宰堦崢嶸笑兀勤勞之功似可記也子笑而不答乃書以遺之使刻諸石

西山廣福院 在硤石紫薇山頂宋天禧五年建熙寧元年賜壽聖額隆興元年改今額兵燹元大德間重建院後舊有五顯祠

國朝康熙二十三年改爲文昌殿雍正八年重修里人于廣福院前建魁星閣懸崖疊石棖桷凌虛俯瞰南湖澄泓如鏡遠眺海上諸山環列几席洵硤川之大觀也

武林梵志

章孝標題廣福院詩野寺孤峰上危樓聳翠微捲簾滄海近洗鉢白雲飛竹影臨經案松花照衲衣日斜登望處湖畔一僧歸 楊璿西山廣福院詩地勢連滄海山名號紫薇景開僧坐久路僻客來稀峽影清相照河流石自圍塵喧都不到安得此忘機 貝瓊游硤石西山訪達上人坐天開圖畫所爲設酒脯詩清明無雨試登山丹井西頭一叩關石戴樓臺飛鳥外天開圖畫白雲間婆娑子落陰初合躑躅花繁色尚殷且喜遠公能入社許余酤酒駐駝顏

張寧題西山上方詩古木迴廊紫磧中鳥飛不到梵王宮地高自覺三吳小天遠應須萬里通石竇有泉成海藏巢居何日托雲松雪晴日莫西風緊扶病猶登第一峯

東山廣福院 在城東北六十里宋熙寧元年賜額有葛

仙翁井

咸淳志

俗名半山殿元至正間重建明萬歷間重修

海寧

縣志

錢薇登半山寺詩長松拂翠靄修竹遠映清波山徑鶴飛雲際野田雀啄新禾舍利高懸白石古木榮喬青蘿門就審山幽境地連葛井丹窩

瑞應觀音院 在城東北三十六里宋咸平間建南觀音

菴在泮江塘端平間建西觀音菴在城西北二十五里元延祐間建明初復建白衣觀音菴在城北一里崇正間建



國朝康熙十七年重修

海寧縣志下同

普信院 在城北二里宋建炎間建移府城外廢寺額常

接待游僧故邑人稱接待院

寧邑備考

明萬歷間重建俗稱陳

州娘娘廟崇正間重修

寶嚴院

在城東六十里宋紹興間建

咸淳志下同

永隆院

在城西十里宋紹興間建

彌陀院

在城東北十五里宋紹興間建元末燬明天啟

間重建

海寧州志下同

正法壽寧院

在城西北十五里宋乾道間建明隆萬間

重建

正法院

在城東北十八里宋乾道間建

咸寧志

資福院

在城西北三十六里宋乾道間建後併資勝寺

今卽舊址復建

海寧縣志  
下並同

超正院

在城西八里宋乾道間建明季重建俗稱南秧

田廟

戒壇院

在城西南三里宋淳熙間建舊在縣南元延祐

間潮壤遷今處元末燬明崇正間重建

吳本秦重建戒壇記略宋真宗詔京師興國等寺立奉先甘露諸戒壇仍令郡縣建置凡七十二所監官古戒壇其一也世閱滄田鞠爲茂草天啟丙寅松谿平觀師主席安國乃于乙亥春仲就西臯訪遺址卜隱而鳩工焉

玉宸道院

在長安鎮宋咸淳間建元末燬復建

接濟院 在洛塘北宋淳祐間建

上方延壽院 在城北八里宋淳祐間建元末燬明隆萬

間重建

智標塢院 在東山絕頂宋僧智標建故名下有塢院明

嘉靖間燬萬歷四十三年蜀僧瑞林募修

國朝康熙三十五年黃灣僧宏通感潮音而至矢志復修雍正

八年里中士民捐助重修

硤川志

南山道院 在審山南麓宋景祐間建舊有翠雲亭

舊志殿

後有玉宸閣

國朝順治十七年燬康熙元年重建

海寧縣志

陳用翠雲亭詩山川無處問丹砂  
海上家燕子不來寒食盡一簾  
疎雨又梨花

奉真道院 在縣西北二百五十步元至元二十九年建

趙學士孟頫題額明末燬邑光祿卿葛徵奇建復燬

國朝順治戊子重建

海寧縣志  
下並同

闔澤院 在城東北六十里元大德間建俗稱女兒廟

元真道院 在城內俗名南道宮明洪武間建左有文昌

閣

國朝康熙八年重修

董溪元真院詩簫聲隱隱  
源深明月冷落花風定白雲閒泥封六一猿窺窺天近三  
清鶴守關徐福樓船空  
泛海蓬萊元只在人間

慈音院 在城內燈草菴

鎮海塔院 詳見名勝門

大悲閣 在城東北六十里宋政和間建紹興初名延聖

亦名妙智閣

海寧縣志

明萬歷間改今名

國朝康熙六十年重修

硤川志

杭州府志卷三十一終